

Siunnersuummut nassuiaatit

Nalinginnaasumik nassuiaatit1. Aallaqqaasiut

2015-imi upernaakkut ataatsimiinnerminni (UPA2015/148) suleriaasissartik Inatsisartut kingullermik allanngortippaat. Suleriaasissap iluarsisap suleriaasissap allannguutit allat ilanngullugit allaffeqarfikkoortumik allaqqinneqarnerani kukkunerit annikinnerusut ataa-siakkaat paasineqarput, siunnersuutikkut matumuuna maanna iluarsineqartut.

Peqatigitillugu apeqquteqaat aallaavigalugu oqallinnernut atatillugu Inatsisartut oqaaseqaat-tissaannut siunnersuuteqartarneq pillugu Suleriaatsimi aalajangersakkat utertinneqarput aalajangersakkanut Suleriaatsimik kingullermik allanngortitsinerit siornanut atuuttunut. Taamaalilluni § 36 naapertorlugu apeqquteqaatinut (apeqquteqaat aallaavigalugu oqallinnis-samik siunnersuutitut) Inatsisartut oqaaseqaatissaannik ilanngussisoqartariaqarunnaarlunilu ilanngussisoqarsinnaajunnaarpoq. Taamaattorli oqallinnerup ingerlanerani Inatsisartut oqaaseqaatissaannut suli siunnersuuteqartoqarsinnaavoq.

2. Siunnersuummi immikkoortut pingaarnerit*2.1 Piffissat oqaaseqarfiusinnaasut*

UPA2015-imi Inatsisartut suleriaatsip allanngortinneqarnissaanik siunnersuut akuersissuti-gaat. Allannguutit ilaatigut kinguneraat piffissat oqaaseqarfiusinnaasut pillugit ilanngussami Nunatta Karsiata Naatsorsuutaasa akuerineqarnissaannik aalajangiiffigisassatut siunnersuum-mut immikkut piffissamik oqaaseqarfiusinnaasunik aalajangersaasoqarnera.

Paasinarsivorli siunnersuut akuersissutigineqartoq ataasiakkaanik kukkuneqartoq: Nunatta Karsiata Naatsorsuutaasa akuerineqarnissaat pillugu aalajangiiffigisassatut siunnersuummut piffissani oqaaseqarfiusinnaasuni siunnersuutip siullermeerneqarnerani partiit oqaaseqaataasa saqqummiunnissaannut minutsinik 30-ersuarnik atuisoqarsinnaasoq oqaatigineqarpoq, aap-passaaneerinninnermili partiit oqaaseqaataasa saqqummiunnissaannut minutsit sisamaannaat periarfissaallutik. Piffissalli oqaaseqarfiusinnaasup sivitsornissaanut pisariaqartitsineq aap-passaaneerinninnermi pisariaqarnerpaavoq, tamatumanimi Nunatta Karsiata Naatsorsuutai Kukkunersuinnermut Ataatsimiititaliap isumaliutissiissutaa tunngavigalugu oqallisigineqar-tarmata.

Taamatutaaq Nunatta Karsiata Naatsorsuutaasa akuerineqarnissaat pillugu siunnersuutip oqaluuserineqarnerani piffissat Naalakkersuisut oqaaseqarsinnaaffiisa sivitsorneqarnissaannut kissaat oqaaseqarnissamut piffissaliussani taaneqartuni ilanngunneqarsimanngilaq.

Pissutsit taakku marluk tamarmik matumani siunnersuutikkut iluarsineqarput. Nunatta Karsiata Naatsorsuutaasa akuerineqarnissaannik siunnersuutip siullermeerneqarnerani siunnersuutip saqqummiunneqarneranut minutsit 20-it partiillu oqaaseqaataannut minutsit 15-it atorneqarsinnaanissaat siunnersuutigineqarpoq. Siunnersuutip aappassaaneerneqarnerani akissuteqaammut minutsit 30-it partiillu oqaaseqaataannut minutsit 30-it atorneqarsinnaanissaat siunnersuutigineqarpoq.

Peqatigitillugu aalajangiiffigisassatut siunnersuutit (allat) aappassaaneerneqarnerinut piffissani oqaaseqarfiusinnaasuni kukkunerugunartoq iluarsineqarpoq. Suleriaatsip kingullermik allanngortinneqarnera malillugu Naalakkersuisut akissuteqaateqarnissaminnut minutsinik 20-nik tunineqarsimapput. Siusinnerusukkut Naalakkersuisut tamatumunnga minutsinik tallimanik periarfissaqarsimagaluarput. Taamatulli Naalakkersuisut oqaaseqarsinnaanerisa mallunnartumik sivitsorneqarnerat Suleriaatsip allanngortinneqarneranut nassuiaatini taaneqarsimanngilaq. Taamaattumik naatsorsuutigisariaqarpoq piffissamik oqaaseqarfiusinnaasumik sivitsuineq siunertaasimanngitsoq kukkunermilli tunngaveqartoq.

Taamatutaaq maanna ammaanersiorluni oqallinneq eqqarsaatigalugu piffissami oqaaseqarfiusinnaasuni erseqqilluinnalerpoq Naalakkersuisut Siulittaasuat oqalugiaammunik saqqummiussinissaminut killeqanngitsumik oqaaseqarsinnaasoq. Tamanna maannamut suleriaasiusimasumut naapertuuppoq.

Kiisalu piffissat oqaaseqarfiusinnaasut pillugit ilanngussaq ujarlerfigiuminarnerulersinniarlugu annertusineqarpoq:

Piffissat oqaaseqarfiusinnaasut pillugit ilanngussami aningaasanut inatsisissatut siunnersuutip, Nunatta Karsiata Naatsorsuutaasa, nassuiaatit aamma aalajangiiffigisassatut siunnersuutit aappassaaneerneqarnerisa suliarineqarnerini piffissat oqaaseqarfiusinnaasut ilaannakortumik taaneqartarsimapput. Assersuutigalugu aalajangiiffigisassatut siunnersuutit aappassaaneerneqarneranni piffissat oqaaseqarfiusinnaasut pillugit taarsiullugu ilisimatitsissutigineqarpoq taakku Inatsisartut inatsisissaannut siunnersuutip pingajussaaneerneqarnerani piffissanut oqaaseqarfiusinnaasunut naapertuuttut. Siunnersuutikkut piffissat oqaaseqarfiusinnaasut tamakkiisumik ilanngunneqarput. Oqaaseqartussat tulleriinnerat erseqqissarniarlugu taamatutaaq inatsisissatut siunnersuutit aalajangiiffigisassatullu siunnersuutit eqqarsaatigalugit immikkoortitsisoqarpoq siunnersuutinut Naalakkersuisunit saqqummiunneqartunut siunnersuutinullu Inatsisartunut ilaasortanit saqqummiunneqartunut.

2.2 Sulinnigiffeqartarnej pillugu malittarisassani malitsigisatut iluarsiiissut

UPA2015/148-p oqaluuserineqarnerani Inatsisartut akuersissutigaat Inatsisartut Suleriaasianut Ilanngussamik 2-mik nutaamik ilanngussisoqassasoq. Ilanngussaq 2-p nutaap qulequtaraa:

” Inatsisartunit sulinngiffeqarallartarneq najuutinnikkallartarnerlu kiisalu sinniisussamik aggersaasarneq pillugit Inatsisartut malittarisassaat”. Malittarisassani nutaani pisariaqarfii-sigut malittarisassani allani aalajangersagaareersut, matumani minnerunngitsumik Inatsisartunut Naalakkersuisunullu il.il. ilaasortat aningaasarsiaqartitaanerat il. il. pillugit Inatsisartut inatsisaat (Aningaasarsiaqartitsineq pillugu inatsit), ilanngunneqartarput.

Aningaasarsiaqartitsineq pillugu inatsit taamatuttaaq 2015-imi upernaakkut ataatsimiinnermi allanngortinneqarpoq. Taamanikkut Inatsisartut Siulittaasoqarfiat inatsisip allanngortinneqarnissaanik siunnersuuteqarpoq (UPA2015/150).

Aningaasarsiaqartitsineq pillugu inatsisip allanngortinneqarnissaanik Siulittaasoqarfiup siunnersuutaata aappassaaneerneqarnissaannut allannguutissatut siunnersuut Inatsisiput Ataatsimiititaliamit saqqummiunneqartoq Inatsisartunit akuerineqarpoq, taamaalillunilu, massakumut pissusiusimasutut, Inatsisartunut ilaasortat sulinngiffeqassappata piomasaaatigineqarsinnaajunnaarluni Inatsisartunut ilaasortap pineqartup sinniisussap ataatsimiigiaqquneqarnissaanut aningaasartuutit akilissagai.

Allannguutissatut siunnersuutip taassuma akuerineqarnerata malitsigisaanik Inatsisartunit sulinngiffeqartarneq peqannikkallartarnerlu pillugit malittarisassani Inatsisartut Suleriaasianni Ilanngussatut 2-tut ilanngunneqarsimasuni § 4 iluarsineqartussaasimagaluarpoq, tassani § 4, imm. 2-mi suli allassimammatt Inatsisartunit sulinngiffeqarnissamut piomasaaatigineqarsinnaaneq sinniisussaq ataatsimiigiaqquneqarneranut aningaasartuutit Inatsisartunut ilaasortap sulinngiffeqartup nammineq akilissagai. Taamaattumik § 4, imm. 2-p atorunnaarsinneqarnissaa pisariaqarpoq, tamannalu siunnersuutikkut matumuuna pivoq.

2.3 Apeqquteqaat aallaavigalugu oqallinnerit – Inatsisartut oqaaseqaatissaannut siunnersuutit pillugit siusinnerusukkut malittarisassanut uteqqinneq

Siunnersuutip malitsigissavaa apeqquteqaat aallaavigalugu oqallinnernut atatillugu Inatsisartut oqaaseqaatissaannut siunnersuuteqartarneq pillugu Suleriaatsimi aalajangersakkat Suleriaatsip kingullermik allanngortinneqarnera sioqqullugu atuuttunut utertinneqassasut. Taamaalilluni § 36 malillugu apeqquteqaatit (apeqquteqaat aallaavigalugu oqallinnissamik siunnersuutit) Inatsisartut oqaaserissaannut siunnersuummik ilanngussisoqartariaqarunnaarlunilu ilanngussisoqarsinnaajunnaarpoq. Taamaattorli oqallinnerup ingerlanerani Inatsisartut oqaaseqaatissaannut suli siunnersuuteqartoqarsinnaassaaq.

Aaqqissuussinerup nutaap nalaani misilittakkat tunngavigalugit malittarisassanut siusinnerusukkut atuuttunut utersaarnissamut siunnersuuteqartoqarpoq. § 36 naapertorlugu apeqqutit oqallisigineqarnerannik pinngitsoorani Inatsisartut oqaaseqaataannik ilanngussisarnissamik piomasaaat malunnangaatsiartumik sivitsorsaataasimavoq. Pinngitsoorani Inatsisartut oqaaseqaatissaannik ilanngussisarnissamik piomasaaat tamatumunnga taarsiullugu oqallinnerit pitsaanerulernerannik kinguneqarsimangilaq. Ilanngullugu nassuerutigineqartariaqarpoq

Inatsisartut oqaaseqaateqarneratigut (pituttuinngitsumik) naalackersuinikkut isummernissamut siunnersuuteqarsinnaalernikkut naatsorsuutigineqaraluartutut aalajangiiffigisassatut siunnersuutit amerlassusaat ikilisimannngimmata.

2.4 Inatsimmik sanilliussineq

Allannguutissatut siunneruutigineqartut tulliuuttumi takussutissiarineqarput, taamaattorli piffissani oqaaseqarfiusinnaasuni allannguutit (siunnersuummi § 1, nr. 3) ilanngunneqaratik:

Siunnersuut inatsisinut atuuttunut sanilliullugu	
Oqaasertai atuuttut	Siunnersuut
	§ 1 Inatsisartut Suleriasianni 12. november 2010-meersumi, 22. september 2011 aamma 29. maj 2012 aamma 28. maj 2015 allanngortinneqartumi, makku allanngortinneqassapput:
Inatsisartunut ilaasortap pisortat suliassaataat Inatsisartuni oqaluuseritinniaruniuk kiisalu Naalackersuisunut ilaasortap tamanna pillugu nassuiaateqarnissaa Naalackersuisunulluunniit ilaasortat arlallit nassuiaateqarnissaat piumasariguniuk, tamanna pisassaaq apeqquteqaatikkut Inatsisartut oqaaseqaatissaannut siunnersuummik ilaqartinneqartumik. Apeqquteqaat erseqqissumik allaganngorlugu tunniunneqassaaq Inatsisartullu Siulittaasuannut, apeqquteqaat agguanneqareerpat apeqquteqaammik Inatsisartunut nalunaaruteqartussamut, tunniunneqassalluni.	1. § 36, imm. 1, ima oqaasertaqassaaq: ”Inatsisartunut ilaasortap pisortat susassari-saat pillugu Inatsisartuni oqaluuseritinniaru-niuk kiisalu Naalackersuisunut ilaasortap ta-manna pillugu nassuiaateqarnissaa, Naalak-kersuisunulluunniit ilaasortat arlallit nassui-aateqarnissaat, piumasariguniuk, tamanna allaganngorlugu, erseqqissumik oqaasertaler-lugu, Inatsisartut Siulittaasuannut apeqqute-qaatit tunniunneqarluni pisassaaq, apeqqu-teqaallu Inatsisartut Siulittaasuniit agguaan-neqarlunilu Inatsisartunut nalunaarutigineqas-saaq.”
<i>Imm. 4.</i> Apeqquteqaat aallaavigalugu oqallinnermi Inatsisartunut ilaasortat partiillu inatsisartut oqaaseqaatissaannut allannguu-tissanik siunnersuuteqarsinnaapput. Siunner-suut taamaattoq allakkatigut naatsumik tun-ngavilersuutitalerlugu ataatsimiinnermik	2. § 36, imm. 4, ima oqaasertaqassaaq: ” <i>Imm. 4.</i> Apeqquteqaat aallaavigalugu oqal-linnermi Inatsisartunut ilaasortat partiillu Inatsisartut oqaaseqaatissaannut siunnersuu-teqarsinnaapput. Siunnersuut taamaattoq al-lakkatigut naatsumik tunngavilersuutitaler-lugu ataatsimiinnermik aqutsisumut

<p>aqutsisumut nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuussalluni. Inatsisartut oqaaseqaatissaannut allannguutissatut siunnersuummut allannguutissatut siunnersuuteqartoqarsinnaanngilaq. Apeqquteqaat pillugu oqallinnermi taamaalilluni inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaateqarnissaannut siunnersuut ataaseq akuersissutigineqarpat, inatsisartut oqaaseqaatissaattut siunnersuutaajunnartut ataatsimiinnermik aqutsisumut nalunaarutigineqartut, sulili taasissutigineqanngitsut, atorunnaassapput. Apeqquteqaammik oqallisiginninnerup nalaani allatut ilusilimmik aalajangiisoqarsinnaanngilaq, takukkilli §§ 50-imiit 52-mut.</p>	<p>nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuussalluni. Inatsisartut oqaaseqaatissaannut siunnersuummut allannguutissatut siunnersuuteqartoqarsinnaanngilaq. Apeqquteqaat pillugu oqallinnermi inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaatissaannut siunnersuut ataaseq akuersissutigineqarpat, Inatsisartut oqaaseqaatissaattut siunnersuutit allat, ataatsimiinnermik aqutsisumut nalunaarutigineqarsimasut, sulili taasissutigineqanngitsut, atorunnaassapput. Apeqquteqaammik oqallisiginninnerup nalaani allatut ilusilimmik aalajangiisoqarsinnaanngilaq, takukkilli §§ 50-imiit 52-mut.”</p>
<p>§ 4. Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inatsisartunut ilaasortaq sulinngiffeqarallarnissamut akuerineqarsinnaavoq, tamanna namminersorluni ingerlatamini suliassamik nukingernartumik suliassanilluunniit allanik nukingernartunik aallussinissaa pisariaqarluinnartutut isigineqarpat.</p> <p><i>Imm. 2.</i> Imm. 1, malillugu sulinngiffeqarallarnissamut akuersissuteqarnissamut sinniussamik aggersaanermi aningaasartuutunik Inatsisartunut ilaasortap akiliuteqarnissaa pi-umasaqaa-tigineqarsinnaavoq.</p> <p><i>Imm. 3.</i> Imm. 1 malillugu akuerineqartumik sulinngiffeqarallarnermi ilaasortaq aningaasarsiaqaranilu aningaasartuutitut tapisiaqasannngilaq, soorlu aamma piffissami sulinngiffeqarfiusumi soraarnerussutisiaqalernissamut ilaasortaajunnaarneersiuteqalernissamullu piffissamik katersisoqarsinnaanngitsoq.</p>	<p>4. <i>Inatsisartut Suleriaasiannut Ilanngussaq 2-mi § 4, imm. 2</i> atuukkunnaarpoq.</p> <p>§ 4, imm. 3, tamatuma kingorna § 4, imm. 2-ulissaaq.</p>
	<p style="text-align: center;">§ 2</p> <p>Allannguutit 1. juli 2016 atuutilissapput.</p>

3. Pisortanut aningaasatigut allaffissornikkullu kingunerisassai

Siunnersuut pisortanut aningaasatigut allaffissornikkulluunniit kinguneqassanngilaq.

4. Inuussutissarsiornermut aningaasatigut allaffissornikkukullu kingunerisassai

Siunnersuut inuussutissarsiornermut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut peqqissutsimullu kingunerisassai

Siunnersuut avatangiisinut, pinngortitamut peqqissutsimulluunniit kinguneqassanngilaq.

6. Innuttaasunut kingunerisassai

Siunnersuut innuttaasunut kinguneqassanngilaq.

7. Kingunerisassat pingaarutillit allat

Siunnersuut taasariaqartunik allanik kinguneqassanngilaq.

8. Tusarniaaneq

Siunnersuut ammasumik tusarniaatigineqarsimannngilaq, innuttaasunut inuussutissariortunuluunniit kinguneqartussaannngimmat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut 2-mullu

Siunnersuummi § 1, nr. 1 aamma 2 malitsigalugit apeqquteqaat aallaavigalugu oqallinnernut atatillugu Inatsisartut oqaaseqaataannik siunnersuuteqartarneq pillugu Suleriaatsimi aalajangersakkat Suleriaatsip kingullermik allanngortinneqarnerata siorna pissutsinut utertinneqarput. Taamaalillutik § 36 naapertorlugu apeqquteqaatit (apeqquteqaat aallaavigalugu oqallinnissamik siunnersuutit) Inatsisartut oqaaseqaatissaannik ilanngussisoqartariaqarunnaarlunilu ilanngussisoqarsinnaajunnaarpoq. Taamaattorli oqallinnerup ingerlanerani sulii Inatsisartut oqaaseqaatissaannut siunnersuuteqartoqarsinnaassaaq. Suleriaatsip kingullermik allanngortinneqarnera sioqqullugu atuuttutut Inatsisartut oqaaseqaatissaannut siunnersuummut allannguitissatut siunnersuuteqartoqarsinnaassanngilaq.

Nr. 3-mut

Aalajangersakkakkut Nunatta Karsiata Naatsorsuutaasa oqaluuserineqarnerani piffissat oqaaseqarfiusinnaasuni Inatsisartunit UPA2015-imi aalajangerneqartuni kukkuneq iluarsineqarpoq. Taamaalilluni Nunatta Karsiata Naatsorsuutaasa akuerineqarnissaannik siunnersuutip saqqummiunneqarnissaanut siullermeerinninnermi minutsit 20-t atorneqarsinnaassapput, Aningaasa-

nut inatsisissatut siunnersuutip saqqummiunneqarneranut siullermeerinninnermi piffissaliunneqartoq assigalugu.

Siunnersuutip aappassaaneerneqarnerani, Kukkunersiuiinnermut Ataatsimiititaliap isumaliutissiissuteqarfigisassaani, siunnersuutigineqarpoq akissuteqaatip saqqummiunneqarneranut minutsit 30-t atorneqarsinnaassasut. Partiit oqaaseqaatasa saqqummiunnissaannut taamatuttaaq minutsit 30-t atorneqarsinnaassasut siunnersuutigineqarpoq.

Peqatigitillugu aalajangiiffigisassatut siunnersuutit aappassaaneerneqarnerinut piffissat oqaaseqarfiusinnaasut kukkuneqarsorinarput. Suleriaatsip kingullermik allanngortinneqarnerani Naalakkersuisut akissuteqaatinik saqqummiunnissaanut minutsinik 20-nik tunineqarput. Siu-sinnerusukkut Naalakkersuisut minutsit tallimat periarfissarisimavaat. Taamatulli Naalakkersuisut oqaaseqarsinnaanerannik annertuumik sivitsuineq Suleriaatsimut allannguutissatut siunnersuummut nassuiaatini taaneqarsimangilaq. Taamaattumik naatsorsuutigineqartariaqarpoq sivitsuineq siunertarineqarani kukkunermik tunngaveqartoq.

Taamatuttaaq maanna ammaanersiorluni oqallinneq eqqarsaatigalugu piffissami oqaaseqarfiusinnaasuni erseqqilluinnalerpoq Naalakkersuisut Siulittaasuat oqalugiaammunik saqqummiussinissaminut killeqanngitsumik oqaaseqarsinnaasoq. Tamanna maannamut suleriaasiusimasumut naapertuuppoq.

Kiisalu piffissat oqaaseqarfiusinnaasut pillugit ilanngussaq ujarlerfigiuminarnerulersinniarlugu annertusineqarpoq:

Piffissat oqaaseqarfiusinnaasut pillugit ilanngussami aningaasanut inatsisissatut siunnersuutip, Nunatta Karsiata Naatsorsuutaasa, nassuiaatit aamma aalajangiiffigisassatut siunnersuutit aappassaaneerneqarnerisa suliarineqarnerini piffissat oqaaseqarfiusinnaasut ilaannakortumik taaneqartarsimapput. Assersuutigalugu aalajangiiffigisassatut siunnersuutit aappassaaneerneqarneranni piffissat oqaaseqarfiusinnaasut pillugit taarsiullugu ilisimatitsissutigineqarpoq taakku inatsisartut inatsisissaannut siunnersuutip pingajussaaneerneqarnerani piffissanut oqaaseqarfiusinnaasunut naapertuuttut. Siunnersuutikkut piffissat oqaaseqarfiusinnaasut tamakkiisumik ilanngunneqarput. Oqaaseqartussat tulleriinnerat erseqqissarniarlugu taamatuttaaq inatsisissatut siunnersuutit aalajangiiffigisassatullu siunnersuutit eqqarsaatigalugit immikkoortitsisoqarpoq siunnersuutinut Naalakkersuisunit saqqummiunneqartunut siunnersuutinullu Inatsisartunut ilaasortanit saqqummiunneqartunut.

Nr. 4-mut

Aalajangersakkakut Inatsisartunut ilaasortap sulinngiffeqarnerani sinniisussamik ataatsimii-giaqqusinnermut aningaasartuutit ilaasortamut namminerumut akiligassanngortinneqarsinnaanerannik piumasaqaateqarsinnaaneq Inatsisartunut sulinngiffeqartarneq pillugu malittarisassaanni tunngavissaq atorunnaarsinneqarpoq.

Tamanna pissuteqarpoq UPA2015/150-ip aappassaaneerpeqarnerani Inatsisartunut Naalak-kersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata (Aningaasarsiaqartitsineq pillugu inatsit) allanngortinneqarneranik Inatsisartut inatsisis-saannut siunnersuummut allannguutissatut siunnersuummik Inatsisartut akuersissuteqarneranik. Allannguutissatut siunnersuutikkut Inatsisartunit akuerineqartukkut, aalajangersagaq (§ 2, imm. 2, oqaaseqatigiit pingajuat) pisuni immikkut ittuni Siulittaasoqarfimmik periarfissiisq sulinnigiffeqarnissamik qinnuteqarnermut atatillugu piumasaqaatigisinnaallugu sinniisussamik ataatsimiigiaqqusinermut atatillugu aningaasartuutinik ilaasortap nammineq akiliinissaanik, peerneqarpoq.

§ 2-mut

Aalajangersakkakut aalajangersarneqarpoq Inatsisartut suleriaasiata allannguutaa qaqugu atuutilissasutut siunnersuutigineqarnerisq.